

修訂日期: 2009/04/23 發行日期: 2009/5/9

發行單位: 中華電子佛典協會 (CBETA) <http://www.cbeta.org>

資料底本: 大正新脩大正藏經 Vol. 08, No. 259

原始資料: 維習安大德提供之高麗藏 CD 經文, CBETA 自行掃瞄辨識, CBETA 提供新式標點, 其他

No. 259

佛說觀想佛母般若波羅蜜多菩薩經

西天譯經三藏朝散大夫試鴻臚少卿明教大師臣天息災奉 詔譯

灌頂真言：

唵(引)曩莫舍吉野(二合)母曩曳(引)怛他誑哆野(引)囉賀(二合)帝三藐三沒馱野

誦此真言七遍，以手於頭上灌頂及摩觸遍身，然後息念，志心作佛母般若波羅蜜多菩薩觀行。想此菩薩三面三眼，身真金色，坐吉祥藏師子座，座有千葉金蓮。身有六臂，右邊三臂，第一臂執數珠，第二臂執箭，第三臂作施願相。左邊三臂，第一臂執經，第二臂執弓，第三臂執如意寶。如是六臂種種莊嚴。於其身上，復放無數百千那由他俱胝光明，遍滿一切世界。復想一切如來及多羅菩薩等一切菩薩，具足相好，莊嚴其身，以諸香花而親供養。如是觀想已，復念心真言：

唵(引)曩莫舍吉野(二合)母曩曳怛他(引)誑哆野(引)囉賀(二合)諦(引)三藐三沒馱(引)野怛儻野(二合)他(引)唵(引)母儻(引)母儻摩賀(引)母儻(引)曳(引)娑嚩(二合、引)賀

次誦根本真言：

怛儻野(二合)他(引) 唵 惹曳(引)惹曳(引)鉢納摩(二合、引)鼻 阿嚩弭(引)阿嚩弭(引)娑嚩娑羅尼地里地里囉(引)地里地囉(引)地里儻嚩哆(引)努波(引)羅儻 沒度(引)哆(引)囉尼 布囉野布囉野 娑誑嚩底 薩里嚩(二合、引)舍(引) 摩摩 波里布囉野 娑波里嚩寫薩里嚩(二合、引)薩怛鑊(二合)左 薩里嚩(二合)迦里摩(二合、引) 嚩囉拏儻尾輸馱野 尾輸馱野 沒馱(引)地瑟姪(二合、引)儻曩 娑嚩(二合、引)賀(引)

誦此真言已，復作觀行。想彼佛母般若波羅蜜多菩薩右邊，有釋迦世尊、燃燈世尊、無量壽世尊、智決定世尊、光明王世尊、雷聲吼音世尊、金花世尊、散花世尊。於菩薩左邊，毘婆尸世尊、羯俱怛那世尊、迦諾迦牟尼世尊、迦葉世尊、寶手世尊。於菩薩前面，大遍照世尊、寶生世尊、阿彌陀世尊、不空成就世尊、阿閼世尊。於菩薩後面，最上蓮華世尊、最上寶世尊、喜吉祥世尊、琉璃光世尊、不思議吉祥世尊。於菩薩前，復有聖觀自在菩薩、慈氏菩薩、普賢菩薩、妙吉祥菩薩、歸命菩薩、不思議吉祥聲菩薩、金剛手菩薩、無盡意菩薩、辯積菩薩、無邊辯菩薩、虛空藏菩薩、無垢稱菩薩、自在行菩薩、法生菩薩、常啼菩薩、月光菩薩、法雲菩薩、地藏菩薩、寶藏菩薩、寶幢菩薩、尸棄菩薩、香象菩薩、金毘羅菩薩，如是等一切菩薩摩訶薩遍滿佛剎。復有顰眉明王等，亦在菩薩前。如是聖眾一一觀想已，復想人間天上殊妙香花

珍寶供具，以用供養佛母般若波羅蜜多菩薩，并諸眷屬一切菩薩。作此觀已，是人不久當成正覺。

佛說觀想佛母般若波羅蜜多菩薩經